



Clypevs Theologiæ Thomisticæ

Continens Tractatus de Beatitudine, de Actibus humanis, eorumque Moralitate; de Virtutibus ac Donis, de Vitiis ac Peccatis, & de Legibus, nec-non Dissertationem Theologicam de Probabilitate

Gonet, Jean-Baptiste

Parisiis, 1669

Art. I. Quid sit lex naturalis, seu in quo formaliter consistat?

[urn:nbn:de:hbz:466:1-77355](#)

ralis : quilibet autem creatura participat à lege æterna principium directivum suæ operationis, ac proinde quilibet participat suam promulgationem debitam & proportionatam sua naturæ. Unde ad obiectum, iuxta hunc modum dicendi, responderetur, concessâ Majori, negando Minorem, & ad illius probationem dicendum, quod præceptum est duplex ; aliud morale , quod est regula operationum moralium creaturæ rationalis ; aliud naturale, per intimationem naturalem, quæ sit ex impressione principij motivi in ordine ad finem, iuxta illud Psal. 148. *Præceptum posuit, & non præteribit, & istud Proverb. 8. Cùm legem ponebat agnus, ne transirent fines suos.* Creaturæ igitur irrationales, licet sint incapaces præcepti primo modo sumpti, non tamen præcepti secundo modo accepti, idèque vera lex eis imponi potest, quia non expostulat alium modum præcepti, nisi loquamus de lege specialissimè dicta, prout ad creaturas rationales dirigitur.

Uterque dicendi modus probabilis est, licet primus videatur probabilius, & menti D. Augustini & S. Thomæ conformior, cùm ille quæst. 64. in Levit. & habetur in cap. *Mulier* 15. qu. 1. afferat irrationalia esse incapacia legis propriæ dictæ: ille vero supra quæst. 90. art. 1. dicit, quod lex propriæ dictæ est mensura humanorum actuum, subindeque rationem veræ & strictæ legis, respectu creaturatum irrationalium, quæ sunt incapaces humanae rationis, non videatur agnosceri.



DISPUTATIO III.

De lege naturali.

Ad questionem 94. D. Thomæ.

Cum leges omnes à lege æterna deriventur, sintque illius participationes & manifestaciones ; primum quod eam nobis evidenter manifestat, est lex naturalis ; idèque hæc ante alias explicanda est, & de ejus essentia, seu ratione formalí, extensione, ac immutabilitate, breviter hic disputandum.

ARTICVLVS PRIMVS.

Quid sit lex naturalis, seu in quo formaliter consistat?

§. I.

Premittitur quod apud omnes est certum, & referuntur sententiae?

Dari legem naturalem in nobis, constat ex Apostolo ad Roman. 2. dicente, *Habemus legem scriptam in cordibus nostris.* Et paulo post : *Gentes qua legem non habent, naturaliter ea quæ legis sunt faciunt, & ostendunt opus scriptum in cordibus suis, & sunt sibi ipsi lex, testimonium illius reddente conscientiæ.* Item Psal. 4. ait Prophetæ, *Multi dicunt, quis ostendit nobis bona?* Statimque respondeat : *Signatum est super nos lumen vultus tui Domine.* Quod de lumine naturalis rationis, quo discernitur quid sit bonum & quid malum, quodque pertinet ad legem naturalem, interpretatur D. Thomas supra quæst. 91. art. 2.

A Huc spectat quod habet Augustinus 2. Confess. cap. 4. *Lex tua, Domine, in cordibus hominum scripta est, quam nec ulla unquam deletant delebit iniquitas.* Et in Psal. 57. *Veritas manu formata in cordibus nostris scripsit :* *Quod tibi fieri non vis, alteri ne feceris.* Hoc ignorare nemo permisus est, etiam antequam lex daretur. Item lib. 2. de ser. Domini in monte cap. 9. ait, *Nul lam animam esse qua ratiocinari possit, in cuius conscientia non loquatur Deus.* *Quis enim legem naturalem in cordibus hominum scribit, nisi Deus?* Ad idem pertinet quod ait Ambrosius libr. 9. Epist. 71. *EA lex (inquit) non inscribitur, sed innatæ est, nec aliquæ percipitur lectio, sed profilo quodam naturæ fonte in singulis exprimitur.* Demum Tullius lib. de legibus, summa eloquentiæ, & penè divinâ voce, ut loquitur Laurentius, legem hanc naturalem depinxit : *Est quidem (inquit) vera lex, recta ratio, naturæ congrua, diffusa per omnes, constans, sempiterna, qua vocet ad officium, jubendo ; vetando, & fraude deterreat.* *Huic igitur legi, nec prorogari fas est, neque derogari aliquid licet.* Nec tota abrogari potest. *Nec verò per senatum, aut per populum solvi haec legæ possumus : nec est querendus explanator aut interpres alius.* Non erit alia lex Roma, alia Athenis, alia nunc, alia post hac, sed & omnes gentes, & omni tempore, una lex & semper, & immutabilis continet : *unusquisque erit comizans quasi magister & imperator omnium Deus.*

Ratio etiam suffragatur, si enim detur in nobis lumen naturale pro rerum speculabilium cognitione, multò magis dabitur pro rerum agendiarum notitia & judicio.

Confirmatur : Omnis creatura debet suum finem consequi posse : At nulla creatura rationalis suum finem consequi potest ab ille lege naturali, cùm illum non possit consequi, nisi per rectam operationem, nec rectè operari sine lege naturali, à qua in suis operationibus dirigatur : Ergo &c.

Hoc supposito, difficultas & controversia est inter Theologos, in explicando quid sit lex illa naturalis, seu in quo formaliter consistat : Vazquez enim 1. 2. disp. 180. cap. 3. & Micerius disp. 2. de legibus scit, 1. docent legem naturalem esse ipsammet naturam rationalem secundum se, quatenus ratione suæ essentia talis est, ut alique actiones sint illi moraliter convenientes, & honestæ ; aliae repugnantes & indecentes, Alensis verò 3. p. quæst. 27. membro 2. & D. Bonaventura in 2. dist. 39. art. 2. quæst. 1. existimant legem naturalem esse habitum, quo nomine non intelligent qualitatem acquiritam & superadditam potentiam, sed ipsum lumen intellectuale, prout in actu primo spectatur, & est vis discernendi honesta & turpia moraliter. Alij legem naturalem collocant non in habitu, sed in actu ; inter quos adhuc magna est dissensio : Arminensis enim, Gabriël, & Almainus, affirmant, legem naturalem esse dictamen rationis indicantis & ostendentis quid consentaneum aut dissentaneum sit naturæ rationali, docentque talen legem non esse imperantem, sed indicantem, eò quod nullum includat superioris imperium. Thomista verò, Suarez, Valeria, Azorius, Salas, & alij, censem legem naturalem non in dictamine solùm ostensivo boni & mali, sed etiam præceptivo, consistere, esseque actum imperij, nos ad ea quæ tali lege præscripta sunt obligantis.

§. II.

Reiiciuntur tres prima sententia, & quarta statuitur.

Dico primò : Lex naturalis non consistit in ipsa natura rationali, quatenus ratione suæ essentia talis est, ut aliqua actioes sint illi moraliter convenientes & honestæ, aliae repugnantes & indecentes.

4. Probatur primò : Lex naturalis est verè & propriè lex, omnes enim Philosophi & Theologi loquuntur de illa tanquam de vera & propria lege: Sed ipsa natura rationalis præcisè sumpta, non potest dici verè & propriè lex: Ergo lex naturalis in ea consistere nequit. Major constat, Minor probatur. Lex est aliquid rationis, id est actus intellectus practici, aut aliquid constitutum per ipsum, ut disp. i. art. i. ex D. Thoma ostendimus: Sed natura rationalis non est actus intellectus, aut aliquid constitutum per ipsum: Ergo natura rationalis præcisè sumpta, non potest dici verè & propriè lex.

5. Probatur secundò : Effectus legis naturalis, quales sunt dirigere, illuminare, obligare, & esse regulam humanarum actionum, immediatè proveniunt à dictamine rationis: Ergo non in ipsa natura rationali, sed in dictamine rationis, consistit lex naturalis. Consequens pater, quia in illo essentialiter consistit lex, quod immediatè tribuit proprios effectus legis. Antecedens vero probatur, nam ante dictamen rationis, quo indicatur vel ostenditur aliquid esse bonum vel malum, non obligatur homo moraliter, nec ejus operationes diriguntur aut regulantur inesse moris, ut de se patet, & constat in his qui usu rationis carent.

6. Probatur tertio : Lex debet distingui ab eo cui imponitur, sicut id quod obligat, ab eo quod obligatur: Sed natura rationalis, cum sit ipsa essentia & natura hominis, non distinguitur ab homine: Ergo non potest esse lex naturalis respectu illius.

7. Demum probari potest conclusio, destruendo præcipuum fundamentum adverſæ sententia: Idecir enim Vazquez & Miceratus legem naturalem in ipsa natura rationali consistere volunt, quia (inquiunt) ipsa natura rationalis est fundamentum & mensura legis naturalis, & honestatis ipsius, quatenus quæcumque præcipit aut prohibet lex naturalis, per se decent aut decent naturam rationalem: Sed hæc ratio nulla est: Ergo ruit præcipuum fundamentum adverſæ sententia. Minor probatur, quia quidquid est fundamentum & mensura legis aut honestatis, non est propterea lex; nam v. g. felicitas publica est mensura & fundamentum legum humanarum, neque propterea est ipsa leges humanæ. Indigentia pauperum est fundamentum & mensura legis aut præcepti faciendo eleemosynam, sed non propterea est ipsa lex. Addo quod, si natura rationalis esset lex actuum nostrorum, eò quod illam decent, sequerent pati modo naturam divinam esse legem actuum divinorum liborum, quia pariter tales actus illam decent: Sed hoc dici nequit, cum nullus Patrum vel Doctorum sic loquatur: Ergo nec illud.

Dico secundò, lex naturalis non est ipsum lumen intellectuale in actu primo, seu vis discernendi honesta & turpia. Hæc conciliū patet ex dictis in præcedenti, ostendimus enim legem na-

A turalem consistere in ordinatione seu dictamine rationis: At ordinatio seu dictamen rationis, non est ipsum lumen intellectuale in actu primo, sed actu secundus potentia intellectiva: Ergo lex naturalis non est ipsum lumen intellectuale in actu primo, seu vis discernendi honesta & turpia. Addo quod, Deus habet lumen sibi conaturale, quo perfectissimè cognoscit quæcumque honesta & turpia, & tamen non haber legem propriè dictam: Ergo tale lumen habituale non est propriè lex naturalis: si enim esset lex naturalis respectu nostri, esset etiam respectu Dei.

Dico tertio, lex naturalis non consistit in dictamine & judicio solum ostensivo boni & mali, sed etiam præceptivo, nimurum in actu imperij ad ea que tali lege præscripta sunt obligantis.

B Probatur primò : Lex naturalis est verè & propriè lex, omnes enim Philosophi & Theologi, ut suprà dicebamus, de ea ut de vera & propria legeloquuntur: Ergo non consistit in judicio solum ostensivo boni & mali, sed etiam præceptivo. Consequens pater, tum quia de ratione legis verè & propriè dicta est præcipere, cum sit actus prudentia, que præceptiva est; unde illa consistit formaliter in actu imperij, ut disp. i. art. i. declaravimus. Tum etiam, quia lex verè & propriè dicta, est regula & mensura bonitatis aut malitiae moralis actus humani, ut docet D. Thomas suprà quest. 90. art. i. Sed judicium solum ostensivum boni & mali, non potest esse regula & mensura bonitatis aut malitiae moralis actus humani; quia supponit bonitatem & malitiam actus humani, & tantum indicat illam; regula autem & mensura aliquis regulati & mensurati, non potest supponere rectitudinem & commensurationem cum illo, aut obliquitatem & disformitatem, cum talis rectitudo & obquitas dependant à regula & mensura: Ergo &c.

C Confirmatur primò : Quando homo peccat contra legem humanam, præcedit judicium ostensivum malitiae illius actus, & tamen hujusmodi judicium non haber rationem legis, ut de se constat: Ergo similiter quando peccat contra legem naturalem, licet præcedat judicium ostensivum malitiae illius actus, tamen tale judicium, ut præcisè & formalissimè loquendo solum est ostensivum illius malitiae, non haber rationem legis.

Confirmatur secundò : Deus habet judicium ostensivum eorum que decent aut dedecent suam naturam, contra quod ipse non potest operari, & tamen non haber legem propriè dictam: Ergo si lex naturalis sit verè & propriè lex, non potest consistere formaliter in dictamine & judicio solum ostensivo boni & mali, seu eorum que decent aut dedecent hominis naturam.

E Probatur secundò conclusio: Lex naturalis nihil aliud est, quam participatio legis æternæ in creatura rationali, ut docet D. Thomas suprà quest. 91. art. 2. Ergo non consistit in dictamine & judicio solum ostensivo boni & mali, sed etiam præceptivo. Consequens pater, quia lex æterna, prout sic, est præceptiva: Ergo id quod per modum legis participat illam, participat essentialiter vim præcipendi.

§. III.

Solvuntur objectiones.

O Bjicies primò contra primam conclusio-

nen: Sunt aliquæ operationes ita intrinsecè

134

Vnu iij

malæ ex natura sua, v.g. odium Dei, ut nullo modo pendeat malitia eorum ex dictamine intellectus; & alia ita intrinsecè bonæ ex natura sua, v.g. honorare Deum, ut in sua bonitate non dependant à judicio intellectus: Ergo dictamen rationis naturalis non habet rationem legis respectu illarum, sed ipsa natura rationalis, cui convenientes aut disconvenientes sunt.

^{14.} Confirmatur: Præcepta legis naturalis non continentur in aliquo dictamine libero humani aut divini intellectus: Ergo nullum tale dictamen habet rationem legis naturalis, subindeque ipsa natura rationalis in qua continentur ut illi cōformatia, rationem legis naturalis habebit. Consequens patet, quia præcepta legis naturalis in lege naturali contineri debent, sicut præcepta artis continentur in arte. Antecedens vero probatur, quia præcepta naturalia habent in se necessariam connexionem ex terminis, ut bonum est faciendum, malum est vitandum: Ergo independenter ab aliquo dictamine libero intellectus humani aut divini sunt talia, subindeque non continentur in tali dictamine. Pater consequentia, quia quæ habent necessariam connexionem ex terminis, independentia sunt ab aliquo dictamine libero etiam divini intellectus, ut patet in creaturis possibilibus, quæ quia necessariam habent connexionem cum suis principiis essentialibus & quidditativis, independentes sunt ab aliquo iudicio libero, etiam divini intellectus; unde non cognoscuntur à Deo per scientiam visionis, sed per scientiam simplicis intelligentiæ, ut in Tractatu de scientia Dei declaravimus.

^{15.} Ad objectionem respondeo, in actibus intrinsecè malis, vel intrinsecè bonis, duplēcē bonitatem & malitiam reperi, aliam in esse naturæ, aliam in esse moris, primamque non desumi per ordinem ad aliquam legem, sed penes convenientiam aut disconvenientiam ad naturam rationalem, ut intelligitur habere inclinationem ad bonum confideratum in esse natura, antecedenter ad omnem legem; secundam verò sumi proximè quidem per ordinem ad dictamen rationis naturalis, remotè verò per ordinem ad legem æternam; & sic dictamen rationis naturalis, ut est participatio quædam legis æternæ, habet rationem legis naturalis, in ordine ad illos actus.

^{16.} Ad confirmationem, nego Antecedens, & ad illius probationem dico quod præcepta naturalia, ut bonum est faciendum, malum est vitandum, possunt duplēciter confiderari; uno modo per modum quidditatis & cujusdam essentiæ possibilis, & sic nullam dependentiam habent ab aliquo dictamine libero etiam intellectus divini, sicut alia creatura possibilis, sed prout sic præsupponuntur ad illud, subindeque à Deo cognoscuntur per scientiam simplicis intelligentiæ. Alio modo possunt considerari per modū exercitij, quatenus scilicet procedunt à Deo in ordine ad obligandam creaturam rationalem ad recte operandum, & sic dependent à dictamine practico intellectus divini, & continentur in dictamine rationis creaturæ rationalis, quod est participatio quædam divini dictaminis.

^{17.} Objicies secundum: Si lex naturalis non confiteret in ipsa natura rationali secundum se & secundum sua prædicta quidditativa considerata, sed in aliquo dictamine libero Dei, vel in aliqua illius participatione, sequeretur Deum potuisse non præcipere homini actus honestos naturaliter necessarios, ut amare Deum, parentes colere, &

A non prohibere illi actus intrinsecè malos, ut mensacidium, furtum, & odium Dei, subindeque hominem posse sine culpa omittire primos actus, & elicere secundos, cum nihil sit peccatum, quod non sit contra legem, ut constat ex definitione peccati, quæ communiter circumfertur ex Augustino: Sed hoc videtur absurdum: Ergo & illud, Sequela Majoris videtur manifesta, nam omne dictamen liberum potuit non esse in Deo: Ergo si lex naturalis sit aliquid dependens à dictamine libero Dei, & non ipsa natura rationalis, potuit Deus per talē legem non præcipere homini actus honestos naturaliter necessarios, & non prohibere actus intrinsecè malos.

B Respondeo negando sequelam Majoris, & ad illius probationem dico, quod licet Deus absolute potuerit non habere dictamen, quo præcipere homini actus honestos naturaliter necessarios, & illi prohibere actus intrinsecè malos; ex suppositione tamen voluntatis creandi naturam rationalem, & eam gubernandi, non potuit non velle prohibere tali creature actus intrinsecè malos, & præcipere actus honestos naturaliter necessarios. Sicut enim posito actu libero promittendi, necessitatibus ad actum implendi promissum, & postea voluntate revelandi aliquid, necessitatibus ad revealandum verum; ita suppositione voluntate creandi & gubernandi hominem, necessitatur ad sapienter regendam creaturam intellectualem à se conditam, & ad curandam ut vivat conformiter sue naturæ: non potest autem illam recte gubernare, nisi prohibendo actus malos, qui repugnant fini ad quam ex natura sua ordinatur, & præcipiendo actiones liberas intrinsecè bonas, quæ ex natura habent necessariam connexionem cum illo.

C Objicies tertio contra secundam conclusio nem: Lex naturalis semper manet in cordibus nostris, unde Apostolus & SS. Patres supra relatedicunt eam esse scriptam in cordibus hominum: Ergo illa non consistit in actu, qui fluit, & transit, sed in habitu, seu in lumine intellectuali in actu primo confiderato, quod durat & permanet.

D Confirmatur: Lex humana, non solum ut est actuale iudicium legislatoris, aut subdit, sed etiam ut est permanens signum in aliqua scriptura, aptum ad excitandum talem cognitionem, dicitur lex: Ergo pariter lex naturalis, non solum ut est actuale iudicium, sed lumen ipsum rationis in actu primo, ex se aptum ad tale iudicium excitandum, vera lex dici potest.

E Ad objectionem respondeo, quod sicut licet conscientia formaliter sit actus quidam rationis, seu actualis notitia, ut ipsum nomen præ se fert, & Tullius docet libro de senectute, ubi sic ait: *Conscientia est bene affectus vita, multorumque beneficiorum recordatio jucundissima*; tamen quandoque à Patribus accipitur in sensu causalí, & significatur nomine sui principij, scilicet habitus sindereis, ideoque ab Hieronymo appellatur sinderesis, à Basilio naturale iudicatorium, & à Damasco lux nostri intellectus: ita lex naturalis, quamvis formaliter sit actus vel opus rationis, tamen interdum accipitur à Patribus in sensu causalí, pro ipso lumine naturali intellectus, & habitus sindereis, subindeque dicitur manens & scripta in cordibus nostris.

F Ad confirmationem, concedo Antecedente, nego consequiam, & paritatem; nam lex humana scripta perseverat in scriptura per modum actus secundi habitualiter permanentis, in quo

DE LEGE NATVRALI.

527

ut in signo conservatur judicium legislatoris, in lumine vero intellectuali lex scripta remanet solum per modum actus primi, qui sicut non sufficit ad legem constituantam, ita nec ad eam conservandam.

A Objecies quarto contra tertiam conclusionem: Lex naturalis non est praceptum hominis ad alium, nec ad seipsum, neque Dei ad homines: Ergo non est praceptiva, sed solum ostensiva boni & mali. Consequentia patet a sufficienti divisione. Antecedens vero, quod primam & secundam partem, manifestum est, quia praceptum hominis ad alium, pertinet ad legem humanam; imperium autem hominis ad seipsum, respectu suarum actionum, non habet veram rationem legis, cum lex sit superioris ad subditum, & nemmo sit superior sibi ipsi. Probatur vero quod tertiam partem, primo quia praceptum quo Deus aliquid hominibus praecepit, pertinet ad legem divinam, quae secundum D. Thomam distinguitur a legi naturali. Secundo, quia secluso quocunque pracepto Dei, dictamen rationis naturalis, in quo consistit lex naturalis, dicitur quid sit bonum, quid malum: Ergo lex naturalis non est praceptiva pracepto quo Deus aliquid hominibus praecepit.

B Respondeo, concessio Antecedente, quoad primam & secundam partem, negando illud, quantum ad tertiam, Deus enim non solum suam legem aeternam, sed etiam legem naturali, quae est participatio legis aeternae in creatura rationali, praecepit hominibus ne furentur, ut parentes honorent, & alia hujusmodi, quae sunt de lege naturae. Ad primam vero probationem in contrarium, dicendum est legem naturalem esse legem divinam, ut docet Damascenus lib. 4. de fide cap. 23. ubi sic ait: *Lex Dei mentem nostram inscendens, eam ad se perire facit, conscientiamque nostram velicit, quae & ipsa mentis nostra lex dicitur.* Si vero quæras, ad quam Dei legem lex naturae pertineat? Respondeo illam pertinere ad legem Dei aeternam; Licet enim lex aeterna & naturalis distinguantur plusquam genere, si in esse rei considerentur, quia lex aeterna est aliquid inveniatum, & ipse Deus, lex vero naturalis est aliquid creatum, nempè aliqua participatio legis aeterna in creatura rationali: si tamen considerentur in ratione legis & mensura humanorum actuum, non sunt aliquid diversum, quia utraque respicit eundem humanum actum, ut mensurabilem ab eis ordinare quodammodo, primariò à lege aeterna, & secundariò à lege naturali. Sicut virtus Dei cauifativa gratiae regenerantis, & virtus Baptismi, distinguuntur in esse rei plusquam genere; illa enim est ipse Deus, haec vero aliquid creatum & participatum in Baptismo; in esse vero causa, non ponunt in numero, quatenus videlicet utraque respicit eundem effectum producendum, scilicet gratiam regenerativam, primariò producendam à virtute divina, ut est in Deo, & secundariò ab eadem virtute, ut participatur in Baptismo.

Ad secundam probationem, nego Antecedens, cum enim dictamen quo Deus praecepit hominibus opera bona, & prohibet opera mala, ex lege Dei aeterna derivetur, & sit quædam illius participatio, seclusa lege Dei aeterna, & ejus pracepto, nullum esset dictamen rationis naturalis dictans in exercitu hominibus quid sit bonum, & quid malum.

§. IV.

Corollaria notata digna:

C EX dictis colligitur, hac tria, quæ alias ea-
dem putari possent, esse distinguenda, legem naturae, conscientiam, & synderesim. Nam lex naturae est ipsa ordinatio divina voluntatis, nobis a natura impressa. Synderesis, lumen ipsum naturale intellectus, per quod ipsam Dei ordinacionem naturaliter cognoscimus. Conscientia vero est ipsa actio mentis, qua formaliter illam cognoscimus, seu iudicium practicum, quo apprehendimus seu iudicamus aliquid esse faciendum vel non faciendum. Addo quod conscientia est de aliquo agibili in particulari, lex vero naturae est regula universalis de agendis & vitandis in communi. Conscientia est de futuris, de presentibus, & jam factis; lex naturae tantum disponit de futuris, nec respicit jam facta. Demum conscientia potest esse erronea, non vero lex naturae, cum rationi verae legis repugnet esse erroneam.

Colligitur secundo contra Loicam & Montezino, legem naturae distinguere a collectione praceptorum naturalium ex parte objecti, seu ab objectis praceptorum naturalium, v. g. Deum esse colendum, parentes honorandos, homicidium & furtum non esse faciendum, & similia. Lex enim naturalis formaliter & subjectivè est in homine, ideoque in Scriptura & SS. Patribus dicitur indita sive impressa cordibus hominum: Sed objecta praceptorum naturalium, non sunt subjectivè, sed objectivè tantum in nostro intellectu: Ergo lex naturae non consistit formaliter in objectis talium praceptorum.

Colligitur tertio, Legem naturalem esse velut partem quandam legis aeternæ, nam lex aeterna extendit se ad omnes creature, tam rationales, quam irrationales, sicut divina providentia; at lex naturalis ad solam creaturam rationalem, id est ad homines & Angelos duntaxat extenditur. Unde lex naturalis in brutis propriè non residet; quia licet ad ea que sibi naturaliter convenient inclinationem ab auctore naturae habeant, haec tamen inclinatio non se haber per modum cuiusdam directionis & pracepti, sicut in homine, sed per modum cuiusdam impressionis, quatenus scilicet Deus illis imprimat principia intrinsecā ad agendum conformiter ad suam naturam, quæ impressio, magis instinctus naturalis, quam lex naturae appellari debet.

E Colligitur quartio, Legem naturalem esse in se simpliciter unam, quia licet pracepta legis naturae sint plura, omnia tamen connectuntur in fine ultimo naturae humanæ, ad quem ordinantur, & radicaliter continentur in illo primo & universalissimo principio; *Bonum est faciendum, & malum fugiendum*, quod est unum; unde ab unitate finis, & radicalis ac primi principij, lex ipsa naturalis, simpliciter una dicitur.

